



“ХҮН БОЛОХ БАГААСАА” АВЬЯАС ТӨСЛИЙН СУРГАЛТ ЗОХИОН БАЙГУУЛАХ АЖЛЫН ДААЛГАВАР

Ерөнхий мэдээлэл:

“Хүн болох багаасаа” авьяас сургалтын төсөл нь Дорнод аймгийн иргэдийн Төлөөлөгчдийн Хурлын 2022 оны 12 дугаар сарын 02-ны өдрийн 13/19 дүгээр тогтоолоор батлагдсан.

“Хүн болох багаасаа” авьяас сургалтын төслийн зорилго нь Дорнод аймгийн хүүхдийн авьяас чадварыг нээн илрүүлэх, сонирхолд нь тулгуурлан хөгжүүлэх, сурах арга барил эзэмшихэд нь дэмжлэг үзүүлэх замаар өв уламжлалаас суралцсан, шинжлэх ухаанч, техник сэтгэлгээтэй, гоо зүйн мэдрэмжтэй, урлагийн боловсролтой бүтээлч иргэдийг төлөвшүүлэх.

Хамрах хүрээ:	Сургалтад аймгийн төв болон хөдөөгийн 13 сумын ерөнхий боловсролын сургуулийн бага, дунд ангийн нийт 2824 хүүхдийн авьяас чадварыг хөгжүүлэх сургалт, дугуйланд хамруулна.
Сургалт зохион байгуулах хугацаа:	Сургалт хоёр хичээлийн жил дамжин үргэлжлэх бөгөөд 2023-2024 оны хичээлийн жилийн III улирлаас 2024-2025 оны хичээлийн жилийн II улирал дуустал үргэлжилнэ.
Сургалтын нэр төрөл:	1. Математик, шинжлэх ухаан 2. Зохион бүтээх, техник технологи 3. Оюун ухаан, ой тогтоолт 4. Утга зохиол 5. Уран зураг 6. Дуу хөгжим 7. Бүжиг <i>Төндэрт оролцогч нь төслийн багц, төрлийг сонгон материалаа ирүүлнэ</i>
Захиалагч нь:	1. Сургалт зохион байгуулах байрны зохих дэмжлэг үзүүлнэ. 2. Сургалтад хамрагдаж байгаа хүүхдүүдийн авьяас мэдлэгийн түвшинд хөндлөнгийн үнэлгээ хийнэ.

Сургалт зохион байгуулах ерөнхий шаардлага:

1.	Хүүхдүүдийн нас, сэтгэхүй, авьяас, ур чадварын түвшинд нь тохирсон олон хувилбарт хөтөлбөрөөр сургалтыг чанартай зохион байгуулна.
2.	Төслийн сургалтын хөтөлбөрийг аймгийн Хүүхэд, гэр бүлийн хөгжил, хамгааллын газраар батлуулна.
3.	Төслийн Хувь хүний хөгжлийн сургалтын багцыг гүйцэтгэхээр захиалагчтай гэрээ байгуулсан хуулийн этгээдтэй хамтран ажиллана.
4.	Хүүхдүүдэд бие бялдар гоо зүй, өв тэгш хүмүүжлийг олгон хөгжүүлж, авьяас ур чадвар, багаар ажиллах чадвартай, зөв хүмүүжилтэй иргэн болж төлөвшүүлэхэд чиглэсэн сургалтын бүтээлч аргуудыг ашиглан зохион байгуулна.
5.	Бусад ижил төрлийн дугуйлан, клуб, сургалтын төв, сургуулиудтай хамтарсан нөхөрсөг уралдаан, тэмцээн, сургалт, уулзалтыг зохион байгуулж, аймаг, бүс, улс, олон улсын уралдаан, тэмцээнд хүүхдүүдийг оролцуулна.
6.	Сургалтад аймгийн төв болон хөдөөгийн сумдын хүүхдүүдийг тэгш хүртээмжтэй хамруулна. /тухайн сумын ЕБС-ийн мэргэжлийн багш нартай хамтран ажиллана/

7.	Орон нутгийн хөгжлийн сангаас олгох санхүүжилтийг сургалтад хамруулах хүүхдийн тоогоор тооцож олгоно. Иймд тендэрт оролцогч сургалтад хамруулах хүүхдийн тоог нарийвчлан тооцож, төсвийн задаргааг дэлгэрэнгүй боловсруулна. /Нэг хүүхдийн сургалтын хувьсах зардал 30,000 төгрөг буюу 1 хүүхдийг сургах 1 цагийн хувьсах зардал 1,500 төгрөг/
8.	Суралцагч хүүхдүүдийн амжилтын түүхийг эцэг, эх, асран халамжлагч, ангийн багш, сургуульд нь хуваалцаж, байнгын эргэх холбоотой хамтран ажиллана.
9.	Хүүхэд нэг бүрийн ур чадварын түвшинг тогтоох үнэлгээг сургалтын эхэнд, дунд, төгсгөлд хийнэ. Түвшин тогтоох үнэлгээ хийхэд тухайн чиглэлийн байгууллага, мэргэжилтэний төлөөллийг оролцуулна.
10.	Сургалтын үйл ажиллагаа, хүүхдүүдийн бүтээл, авьяас, амжилтын түүхийг олон нийт, хэвлэл, мэдээлэл, цахим хуудсаар тогтмол мэдээлж, тайлагнана.

Сургалтын тендэрт оролцогчдод тавигдах шаардлага:

1.	Тендэрт оролцох албан хүсэлт, Хуулийн этгээдийн улсын бүртгэлийн гэрчилгээний хуулбар
2.	Байгууллагын танилцуулга: Үйл ажиллагааны чиглэл
3.	Ажлын туршлага: Сургалт зохион байгуулж байсан туршлага, амжилтын түүх, хамтран ажилласан байгууллагын мэдээлэл
4.	Хүний нөөцийн мэдээлэл: Тухайн чиглэлийн багш мэргэжлийн бакалавр ба түүнээс дээш боловсролын зэрэгтэй эсхүл эрх бүхий байгууллагаас олгосон тухайн чиглэлээр сургалт зохион байгуулах эрхтэй байх /танилцуулга, холбогдох баримт бичгийг хавсаргах/
5.	Сургалт явуулах орчин, нөхцөл: Сургалтын хөтөлбөр, сургалт явуулах анги танхим, сургалтын хэрэглэгдэхүүн, тоног төхөөрөмж, техник хэрэгсэл
6.	Тендэрт оролцогч нь олон улсын байгууллага, ижил төстэй үйл ажиллагаа явуулж байгаа төсөл, хөтөлбөртэй хамтран ажиллах бол давуу тал болно. /Хамтран ажиллах гэрээний хуулбар/
7.	Сургалтын төсөв: "Хүн болох багаасаа" авьяас сургалтын төсөл нь аймгийн Орон нутгийн хөгжлийн сангийн хөрөнгөөр санхүүжинэ. <ul style="list-style-type: none"> - Төслийн санхүүжилтийг: Сургалт явуулах анги танхимын урсгал зардал, сургалтын хэрэглэгдэхүүн, багшийн урамшуулалд төлөвлөх - Санхүүжилтийг авьяас төслийн сургалтад хамруулах хүүхдийн тоо, сургалтын цагийн сар тутмын гүйцэтгэлээр тооцож олгоно. - Төслийн сургалтад хамрагдаж байгаа хүүхдүүдээс нэмэлт төлбөр авч болно. Нэг хүүхдээс авах сургалтын төлбөр 20,000 төгрөгөөс хэтрэхгүй. - Бусад эх үүсвэр Зөвшөөрөгдөхгүй зардал: хүүхэд хөгжүүлэх үйл ажиллагаанд оролцоогүй хүнд цалин урамшуулал олгох, тавилга тоног төхөөрөмж, үл хөдлөх хөрөнгө, хувьцаа, үнэт цаас худалдан авах

ХЯНАСАН:

АЙМГИЙН ЗАСАГ ДАРГЫН ТАМГИЙН ГАЗРЫН НИЙГМИЙН
БОДЛОГЫН ХЭЛТСИЙН ДАРГА.....Э.ЭРДЭНЭБИЛЭГ

БОЛОВСРУУЛСАН:

АЙМГИЙН ХҮҮХЭД, ГЭР БҮЛИЙН ХӨГЖИЛ, ХАМГААЛЛЫН
ГАЗРЫН ДАРГА.....Э.ЖАВХЛАН